

Августин 20-д школ белн болдж дуусгдхмн

Мана Алдр Коммунистическ партин XX хург шиидвртән, эн зургъадгч тавн джилд, өмнк тавн джиләр болхла, балгъсдин болн селәдин школмуд бәрлгъиг хойр холвдж, школин интернатмудиг элвәхмн гидж темдглә. Партин тер шиидвриг кӯцәх улс бидн—тосхачнр болджанавдн.

Бидн Элст балгъснд(селәнд) 400 кōвӯд-кӯӯкд сурх, хойр давхр, зӯсн-зуӯл кабинетстә болн бйблйблектә, буфеттә школ бәрдж бәәнәвдн.

Эндр болдж бәәх тосхачнрин сән өдриг ончта кевәр тосхин төләд, бидн социалистическ дөрлдә делгрӯләд, августин 20-д цуг кōдлмшинь чиләдж белдәд, мана кōвӯд-кӯӯкд сентябрин негнд ирәд, экләд сурад бәәхәр школиг кех болдж, объектәри сардан 120 процент зурагъан кӯцәх үгән өгләвдн.

Эн ик чинртә төрт Бадмаев Ильян бригадин урчуд шундж кōдләд, сар болгън зурагъан хойр холвандн кӯцәнә.

Комсомольцир болн багъчудас бӯрдсн штукатурмудин бригад тер дөрлдәнд экллт өглә. Эн бригад И. С. Попенко-комсомолкин гардврта, сардан зурагъан 200 процент кӯцәнә. Бригадир И.С. Попенко болхла шунмгъа кōдлмшч болад профсоюзн тосхлтин комитетин членд шиидгдлә.

Дентелинова М.Э. эврәннь штукатур әмтстәгән июль сарин зураг 223 процент кӯцәв.

Столярмудин болн терз-уӯл шиллдг бригадин бригадир Лиджиев Петр, хар-кōдлмшчнрин бригадир Л.А. Букреева, кōдлмшчнр Мушараева Б., Мунохаев Иван, Камашев Бембя, Ункурова Мария, Иванова Любовь зурагъан хойр холван шаху кӯцәнә.

Тер тоот кӯцәвр бийснь ирдж бәәхш. Гарсн дуту-дундиг хург кегъад, келәд-кӯӯндәд, дарунь чиклнәвдн. Дундин 2-ч школин кōвӯд-кӯӯкд сән дōнъгән өгнә. Тедн эврәннь чидләр мана объектд эрсин газетс гаргъад, сән кōдлмш кедг улсинь мактад, муугъар кōдлдгинь ичәгъад бичлә. Дакад болхла өдр болгън өмнәснь манъгъдурк кōдлмшән кӯӯнддж, кергтә зер-зев, материалан белднәвдн.

Эн джилин хойрдгч өрәлд. Алдр Октябрьск социалистическ революцин 40-ч джилин өбнд нерәддж, сар болгън зурагъан 200 процент кӯцәхмн гидж үгән өгвдн.

Авсн даалгъвран кӯцәхәр мана коллектив икәр шундж бәәнә.

БОЛДЫРЕВ Очр.
десятник.